

四庫全書

史部

欽定四庫全書

史部

江南通志卷一百八十八

詳校官給事中_臣丁雲錦

檢討_臣德生覆勘

總校官編修_臣王燕緒

校對官庶吉士_臣吳裕德

謄錄監生_臣宋學濂

欽定四庫全書

江南通志卷一百八十八

人物志

列女

貞孝一

江蘇松常鎮淮揚徐八府太海通三州

江寧府

宋夏氏女高淳人年十二割肝愈母旌其里曰昭孝
元袁氏女溧水人年十五母病癰火延其里鄰婦呼
之出女泣曰我何忍舍母去乎抱母共焚死

明汪某妻王氏上元人以孝著洪武年旌

張二女江浦人以孝著洪武年旌

劉玉佩妻陳氏江寧人嘗割股救父母及姑旌表

趙知府俊女江寧人刲肉療母旌

李氏女上元人以孝旌

陳本鏤女上元人長齋養親矢志不嫁匝月兩刲

股愈母奉旌

徐氏妙錦中山武寧王女居應天長姊適燕王後

正位中宮為仁孝文皇后次姊代王妃妹安王妃
妙錦矢不適人親王求婚皆拒絕之仁孝崩文王
聞妙錦美且賢欲聘為后內使女官往諭旨妙錦
稱病不出女官直抵卧榻妙錦擁被呻吟女官叩
頭請不得已徐起自指曰吾面陋無婦容不足備
六宮選女官羅跪審視姿態瑩麗真天人也歸復
命妙錦即削髮為尼洪熙改元乃返初服宣德初
仁廟張太后慕其行義徵至京入朝口稱徐達第

三女肅拜進止端凝不失跬步宮娥私相語曰此
辭皇后不為者也隨遣內使護歸正統中卒祔葬
鍾山先塋

庠生劉芳遠妻王氏高淳人嚙指血煮藥療姑疾
薛氏女江寧人受徐聘未嫁夫亡守節

張氏女句容人許字王姓夫亡守貞

凌氏女高淳人許字王某未歸夫有欲謀以為
妾者不從自縊救甦守節

凌氏女江浦人許配張仲仲殤刺目自縊救解守
節夫家

周貞女高淳人許字彭應驥應驥殤女至夫家守
節

侯貞女上元人不嫁撫弟姪成立

張卿女江寧人父無子不嫁

施氏女應天人許字黃氏子會壻病甚舅姑急欲
娶婦女遂歸黃然未成婦也數日壻死女欲身殉

恐舅家奪其志乃歸父母家後父坐事下獄氏刺
綉易米以供橐餕有貴人慕其行持千金求聘曰
歸我我能出爾父女曰救父誠所願如辱身何却
之父病且革詣官請代繫出父就醫父死女朝夕
上食悲號成疾垂死猶呼父者三

國朝蔣氏女江寧人許字徐沂夫亡守貞

趙氏女江浦人許字劉某未嫁夫亡女歸劉守節

以上康熙年

旌表

嚴氏女江浦人許字胡茂儀守貞夫家

雍正三年

旌表

蕭氏女上元人許字唐允隆夫亡守貞撫嗣孝事

舅姑

楊氏女上元人許字陳子琯夫亡詣陳家守貞事

姑

以上雍正四年

旌表

顧氏女江寧人許字諸生汪東山夫亡守節

雍正七年

旌表

吳渤臣女高淳人許字魏大綬年十六聞夫病歿
拜辭父母過門成服不復歸寧事翁姑盡婦道立
嗣承祧現存守貞已五十五年

普氏女上元人許字汪錦夫亡歸汪守貞

以上雍正十一年

旌表

曹氏女金陵人許字黃某黃他去不返女獨處一樓非定省不下守貞以終

劉氏女金陵人許字于廷燮燮亡守貞終身

仇氏女上元人許字項邁邁溺死女赴夫家守貞

事翁姑撫嗣子

毛氏女江寧人許字謝某謝以事遠遁父母欲另議婚女以死拒藿羹不飽後年逾七十

徐孚躬妻張氏江寧人父病刲股以進得愈歸徐後事姑盡孝姑老病哺乳為養又代兄立嗣為姪撫孤

葉氏女上元人許字蕭采采卒京邸女年十八歸蕭食貧養姑沒葬祭中禮守貞以老

李氏女江寧人許字葉衡夫亡守貞

蘇州府

晉王氏五女吳縣西洞庭山人事父至孝俱不適人
父歿各以衣負土成塚日夕繞墓悲號死時人哀
之名五女墳

宋張建第五女吳郡人三歲喪母一日曬母舊物女
見之伏床流涕家人怪其不起抱持延醫診曰腸
斷矣吐血而亡

鄭絳妻錢氏吳郡人幼秀悟姑疾不解衣者半年

絳貧赴官陝右不能具裝資其姊自京師持贈金幣錢謝之曰身受姊賜固可何以全吾夫之廉乎元趙夢炎女吳縣人夢炎病氏禱於天割股以進父尋愈總管董章製孝女歌書綵障表於其門

明唐冕妻王氏吳郡人姑病癰夜盜入室氏倉猝擁姑匿簷後時天大寒雨氏以身蔽姑凍死不舍永樂年旌

沈氏女長洲人許字張應奎未嫁守貞天順年旌

徐氏女長洲人許字袁應龍未嫁守貞萬厯年旌
凌氏女吳江人許字徐應化未嫁守貞天啓年旌
王氏女吳郡人許字顧同吉未嫁守貞曾斷指和
藥療姑病崇禎時旌

徐宣妻卓氏字永潔長洲人宣早卒卓年二十一
遺孤二越二年二孤並歿操守益堅嘗割股療母
病母歿執喪盡禮

吳天祥妻趙氏長洲人養姑至孝家貧每於三炊

貯米一握積以易肉有兩兒姑酷愛食必呼之趙
於食頃驅之出姑問則給以他語人嘗見兩兒風
雨蹲檐間問胡不歸兒云母奉婆婆羹恐分肉食
我耳

周瑄妻黃寧崑山人瑄早卒矢志不二姑病痿十
餘年百方求療弗愈寧宵大士像晨夕百拜凡五
年遂得步履如常邑令羅永年遺米三百斛資其
養

胡氏女崑山人許字楊皓皓客死女聞泣曰命矣夫求者踵接守貞終身

周氏女崑山人許字王道正年十五夫殤女矢志守貞年逾三十舅迎歸哭夫墓甚哀執婦道甚謹至老而卒

李氏女崑山人許字張晉蕃張夭女誓不改字後女病劇張母率所應嗣子來視女飲容曰幸識吾姑撫嗣者頂鳴咽數四絕粒死

何闕金吳郡人許字陳惠惠夭何年十六奔喪送葬誓不二志以母在復返舅姑歿往持喪禮葬畢返如初母亡乃歸陳氏萬歷間建貞義坊歲賚粟帛

金桂椒女長洲人幼事母以孝聞許字張樹未婚守貞

顧氏雙貞女崑山人顧咸建女名絃許字葉世偁未婚偁夭絃誓不改適及咸建死節絃去為女緇

咸建弟咸受女少受朱氏子聘朱氏子死亂兵中
女年十二謝膏沐礪志守貞與其姊稱雙璧焉
楊德蘭崑山人許字戴忠忠病迎楊以歸弗克成
婦而忠亡楊時年十六截髮自誓依孀姑以居姑
病疫德蘭扶掖卧起染疾而卒

徐氏女吳江人許字沈廷訓子早亡女方七齡父
母議更字女即自刺幸不死割股療母父亡一號
而絕時有周氏女初生時家人夢徐氏再世及長

事祖母孝值歲饑以白米奉親自食糠粃勞苦成療死崇禎中與徐氏同旌

周汝蕙妻孟氏崑山人年十七歸周時汝蕙繼其叔鳳來後孀姑趙氏性嚴刻號難事氏獨委曲得姑歡後蕙以族人爭之告歸宗又事姑劉氏惟謹姑安焉蕙死無子氏薪水不繼周旋兩姑間餽無缺人稱節孝

國朝周氏女吳江人許字顧士彥夫亡歸顧守貞

順治年

旌表

顧氏女長洲人許字鄒球夫亡歸鄒守貞

陳氏女長洲人許字顧賓臣未嫁守貞

劉氏女長洲人許字陸纘功未嫁守貞

姚氏女長洲人許字顧燦燦亡歸夫家守貞

呂氏女長洲人許字張鳳鳴未嫁夫亡守貞

王氏女吳江人許字蘇琦琦亡歸夫家守節

以上康熙年

旌表

陳氏女長洲人許字馬康明未嫁夫亡守貞

喻氏女吳縣人許字徐衡未嫁夫亡守貞

徐氏女吳縣人許字方國貞未嫁夫亡守貞

以上雍正二年

旌表

樊氏女吳縣人許字施天祐未婚夫亡歸施守貞

雍正三年

旌表

戴氏女元和人許字程之俊未嫁夫亡守貞
張氏女崑山人許字吳國鉦未嫁夫亡守貞
李氏女常熟人許字陳大年未嫁夫亡守貞
馮氏女常熟人許字王元健未嫁夫亡守貞
以上雍正八年

旌表

金華縣志 卷一百八十八
葉氏女吳江人許字沈禹範未婚守貞

雍正九年

旌表

沈氏吳縣職監沈震之女年十七許字監生李鎬
子李湛本年湛病故氏請赴夫家守志湛父以喪
子悲傷不忍見氏因留母家苦守一十三年夫族
義之議令迎歸成禮立舉人李王業子增齡為嗣
氏事翁姑撫嗣子守貞二十四年卒

周貞女長洲人夫亡守貞

楊貞女吳江人夫亡守貞

張氏女震澤人許字吳堯章未婚夫亡時年十八
歸吳守志孝事翁姑者二十七年姑沒女哭姑過
哀得疾卒

以上雍正十一年

旌表

蔡氏女崑山人許字朱友桂雍正十二年

旌表

錢氏女常熟人許字金堡

楊氏女昭文人許字沈翀

蘇氏女新陽人許字顧茂昭未嫁夫亡詣顧守貞

以上雍正十三年

旌表

楊氏女吳郡人許字張生始未婚夫亡守貞

顧氏女吳郡人許字申勸若未婚夫亡守貞

胡氏女名韞王吳郡人許字許大成未婚夫亡守貞
盧氏女吳郡人許字姚永錫姚得瘋疾請辭婚女
不可垂十餘年永錫卒女歸姚守貞

姚氏女吳郡人許字碩某

吳氏女吳郡人許字宋恂

王氏女吳縣人許字金上孚俱未婚夫亡守貞

馮氏女吳縣人許字孫紹文未婚夫亡守貞

王氏女吳縣人許字碩弘業未婚夫亡歸碩守貞

馮士傑妻李氏長洲人姑病嘗糞剖股大吏屢旌
其廬

謝氏女長洲人許字碩長源未婚夫亡守貞

周氏女長洲人許字碩允恭夫亡守貞

蔣氏女長洲人許字錢國貞夫亡歸錢守志

朱氏女長洲人許字諸文忠未婚夫亡歸諸守貞

袁氏女長洲人許字碩鼎祿未婚夫亡守貞

黃氏女長洲人許字閔士穀未婚夫亡守貞

丁氏女長洲人許字蔡璿未婚夫亡守貞

言氏女常熟人許字張鑛未婚夫亡歸張守貞

顧氏女常熟人許字鄒月如夫亡守貞

李氏女常熟人許字席稷未婚夫亡守貞

毛氏女常熟人許字於周末婚夫亡守貞

葛氏女崑山人許字徐德符夫亡守貞

顧氏女新陽人許字朱攸茅未婚夫亡歸朱守貞

趙氏女吳江人許字徐元登未婚夫亡守貞

宋氏女吳江人許字計準夫亡守貞

楊氏女吳江人許字宋永寧未婚夫亡守貞

池氏女吳江人許字陳翼周未婚夫亡歸陳守貞

陸氏女吳江人許字蕭某未婚夫亡守貞

吳氏女吳江人許字董志陞夫亡守貞

陳氏女吳江人許字顧佑熾未婚夫亡守貞

陳氏女吳江人許字吳謹夫亡守貞

周氏女元和人許字李天滋滋亡女聞欲殉母勸

免送往夫家抱木主悲痛成服後致疾死

郁氏女元和人許字吳竣竣亡守貞

松江府

元碩氏二女上海人長名中次名和並許字未嫁夫
亡守貞終身吉安楊清為作二貞傳

明沈氏女名妙蘭上海人割股療母疾永樂十四年旌
趙氏女順天人華亭張鑒官都御史時為子昱聘
未婚昱卒鑒遺書女父俾別議婚女誓死無二遂

歸張氏守志終身弘治十五年旌表

宋氏女華亭人許字葉周未嫁夫亡歸葉守節終身奉旨旌表

何氏女華亭人許字楊允修允修死女往夫家守節以終萬厯初旌

黃氏女青浦人歸陳講為養婦未婚夫亡誓以死守孀居三十年終

袁氏女華亭人許字聶士濂未婚夫亡守貞以終

姚氏女華亭人許字黃籌幼子子死父母欲更許
他姓女誓不可有强委禽者女自刎救止遂獨局

一室以終

林氏女華亭人許字沈懋賢懋賢死女奔喪守貞
孝事舅姑縣令旌之

翁氏女華亭人年九歲父患危症女割股煮羹奉
父父尋愈母疾復割股以進

俞氏女青浦人許字吳存仁為繼室未嫁夫亡氏

截髮毀容歸養舅姑撫前妻子成立崇禎時旌

國朝周氏女上海人許字宋孔暘未嫁夫亡守貞

順治年

旌表

莊氏女華亭人許字王履鼎夫亡守志

康熙年

旌表

李氏女婁縣人許字顧永灝未嫁夫亡奔喪守志

陳氏女青浦人許字許紹勲未嫁夫亡奔喪守貞
以上雍正六年

旌表

陸韜妻曹氏上海人少寡事姑盡孝姑病篤刲臂
為羹以進遂愈又十五年姑乃卒母老疾不治亦
刲臂雜米湯以進母覺不竟食遂卒曹孀居五十
一年年七十四

顧氏女奉賢人許字陳輅輅歿過門守節

陳氏女奉賢人許字金山縣顧慎高高歿過門守節

張氏女福泉人許字李天章夫亡奔喪守節

許氏女華亭人為顧氏養媳未婚夫亡守節

何氏志璇華亭人字韞潔五歲能以意識奇字許

字馮尚賢馮卒女聞訃即素服涕泣累日夕母兄

勸止之謂曰雖許字猶未嫁無重傷老人心女曰

馮之婚父所議也若更議婚死我父也母兄遂不

復言年二十八卒工詩詞有幃篋存稿

常州府

梁蕭矯妻羊氏南蘭陵人字淑禕性至孝居父喪哭
輒吐血母有病中夜祈禱見一人在樹下自稱姑
桑君曰夫人無患今洩氣在亥南求白石鎮之言
訖不見明日如言疾愈

明常氏女武進人事父至孝父亡構菴墓側終身麻
衣誦經

李氏女武進人名海珠父無子不嫁母病剗股啖之父母歿剪髮終身

諸氏女武進人許字陳謙夫亡守貞

陸氏女武進人許字趙燭遠夫亡守貞

胡氏女武進人許字吳雲夫亡守貞

李世茂妻堵氏武進人父翰與小童擢舟迎女至湖風吹帽落水翰撈之因墮水死氏泣曰父以我故死我何生為遂赴水同死人比之曹娥云

單氏女無錫人許字沈昇昇卒依母家終身正德
年旌

熊氏女無錫人許字秦漢漢卒女截髮割耳誓不
再嫁建坊旌表

盧氏女無錫人父文烈幼與講古人節孝事頗省
悟父病亟謂曰汝母年尚少二弟幼汝適人將誰
依乎女泣曰願終身不字與母弟相守耳父亡鬻
女紅自給

薛氏女無錫人許字葉印歲未婚夫亡訃至已葬
哭於墓依孀姊終身

顧氏女無錫人許字秦城未婚城卒食貧矢志雖
至戚不聞笑語之聲

張氏女無錫人許字陸亨年十三夫亡誓不嫁天
啓年旌

華氏女無錫人許字葉之藩夫亡女詣夫家哭臨
成服誓死守貞

胡氏女無錫人許字張鼎烈夫亡守貞截髮毀容
父母不能奪崇禎年旌

沈氏女江陰人性至孝母病幾殆刲股進之立愈
曹氏女江陰人許字李善詳未婚夫亡奔喪成服
終喪歸母家幽居小樓食蔬衣縞以終天啓年旌
繆氏女江陰人許字張振美未嫁夫亡守貞

耿氏女江陰人許字周寅頤未嫁夫亡守貞
韓氏女江陰人許字徐復魁未嫁夫亡守貞

張四維妻虞氏宜興人割股療姑

周重智繼妻陳氏宜興人姑卒舅老病不能起陳奉湯藥盡孝舅曰孝哉願生佳兒報汝母後果生

子鼎

邵維材妻陳氏宜興人姑疾篤不能延醫陳割股以救病復作又割肝以進姑乃痊

徐潮妻吳氏宜興人割股救姑

史氏女宜興人許字邵一龍未嫁夫亡奔喪成服

歸即湮中心不改四字於面以誓無二萬歷年旌
吳氏女宜興人許字蔣允岱夫亡守貞崇禎年旌
范字女靖江人許字朱氏子夫亡終身不字
史氏女許字儲啓夏夫亡守貞

國朝鄭氏女無錫人許字庠生馬瑜未婚夫亡女聞以
首觸火焚髮至盡泣請於母願過夫家執喪母未
應即擲身墜樓折左臂聞於夫家具禮迎之守貞
七十年卒

吳氏女宜興人許字袁永廣夫亡歸袁守志

以上順治年

旌表

王氏女許字孫鳳儀未嫁夫死歸孫拜舅姑如禮

嗣子殤哭之成疾不食死

華氏女無錫人許字長洲施塏夫亡歸施守貞

以上康熙年

旌表

殷氏女無錫人許字侯歷未嫁夫亡守貞不二

潘氏女武進人許字劉廷勲夫亡詣劉成服營穴
塚旁以示死必歸劉之意

邢氏女江陰人許字周且侯夫亡歸周孝事舅姑
撫育嗣子

周氏女江陰人許字楊名陞夫亡守貞

以上雍正二年

旌表

蔣氏女武進人許字唐漢蒙年十九夫亡訃至氏
泣流血仆地赴唐視殮立姪為嗣

雍正三年

旌表

秦氏女無錫人許字談宜聰未婚夫亡守貞三十
一年卒

于氏女宜興人幼許字夏繡文繡文十歲得癩疾
不辨昏曉兩家父母俱願解盟女固持不可夫亡

立姪為嗣守貞終身

以上雍正四年

旌表

方氏女無錫人許字湯榮聘未婚夫亡闔戶自經
死而復甦者再泣請於母奔喪送葬供木主小樓
日卧處於側守貞五十二年卒

雍正五年

旌表

單氏女無錫人許字劉毅生未嫁夫亡奔喪成服
撫姪為嗣嗣孤早世又撫幼孫守貞四十二年

華氏女無錫人許字劉宏緒夫亡守貞

陳氏女宜興人許字徐長祥夫亡奔喪日坐小樓
與夫木主相對者四十餘年

以上雍正六年

旌表

劉氏女武進人許字楊朝相未嫁守貞

駱氏女金匱人許字陸躍元夫亡守貞

以上雍正八年

旌表

薛氏女武進人許字曹繼芳夫亡往視含殮斷髮
自經亟救得免遂歸曹守貞

鄭氏女金匱人許字盧瑞星夫亡歸盧立嗣守貞

以上雍正九年

旌表

趙氏無錫趙定九女許字金匱陳燿未婚燿亡過門成服立姪由為嗣守節四十八年今現存

毛貞女武進人

徐貞女江陰人

以上雍正十一年

旌表

華氏女無錫人許字曹濬未婚夫亡奔喪成服設榻柩旁持齋奉佛以終

徐氏女江陰人許字承王言

雍正十三年

旌表

張氏女無錫人許字秦汝舟未婚夫亡誓不再適
居六年疾甚謝醫藥飲食卒

顧氏女無錫人許字秦中威年十三失母即養於
秦未婚夫亡搏顙號咷隨向舅姑索斬服出誓言
守貞以老

張氏女無錫人許字蔡嘉瑞夫亡守志年六十八

卒

諸氏女無錫人許字陳氏子夫亡依兄以守

莊氏女無錫人許字黃曾勸夫亡成服慟哭成疾
卒

唐氏女江陰人許字徐士誠夫亡過門成服守貞
六十餘年

王氏女江陰人許字祝道亨未婚夫亡依母守貞

縞素終身

繆氏女江陰人許字張季叔夫死守貞年七十四卒

譚氏女江陰人許字陳璉璉亡歸陳守志

陸氏女江陰人許字俞某夫亡欲臨奔喪父母不可即絕粒誓死卒詣夫家守志事舅姑極盡孝養
陳氏女江陰人許字宣文鼎夫亡歸宣成服食貧
守貞

陳氏女江陰人許字魯氏子魯亡守志以終

徐氏女江陰人許字吳朝柱夫亡守志

鍾氏女江陰人許字張運貞夫亡奔喪因留張奉

養舅姑立嗣守貞

孔氏女江陰人養親不字撫弟成立

孫氏女江陰人許字楊安基夫亡奔喪成服葬畢

自經

吳氏女江陰人母喪兄亡養父不字依孀嫂同居

畢氏女武進人許字孫行復夫亡奔喪守志紡績
以養舅姑

毛氏女武進人許字周景陽夫亡立嗣守志

張氏女武進人許字殷德明夫亡奔喪誓不改字
張氏女武進人許字朱瀾瀾故守貞

周文範女武進人母盲弟幼女志不適人以養親
育弟為己任弟長家政皆女主之年逾六十卒

任氏女宜興人許字徐中杰夫亡歸徐守貞四十

餘年

任培元妻許氏荆溪人母病割股以療事舅姑盡孝歎歲甘旨必具餘則推及小姑小叔而自嚙草根撫兄之子及諸姪如己子

錢茂千女陽湖人字律貞性至孝有弟早歿女誓終身不字以代子職弟遺腹生子與弟婦陳氏共撫之

魏氏女陽湖人許字顧聖輝夫亡哀經奔喪守貞

終身

龔氏女金匱人燦曾妹許字秦某性至孝未嫁夫
亡歸秦守貞

徐氏女無錫人許字華姓未嫁守貞

許嫠聘妻吳氏宜興人未嫁守貞

李氏女宜興人許字丁新運丁客廣東別娶女悲
惋誓不他適

胡氏女許字吳某未嫁夫亡守貞宜興人

周氏女宜興人許字吳兆祥未嫁守貞

陸氏女宜興人許字馬氏子未嫁守貞

吳綸妻儲氏割股療翁疾宜興人

鎮江府

周史氏女黃山里人伍員奔吳乞食溧陽值女擊綿

瀨上宮中有飯員跪而乞殮飯畢曰掩子壺漿勿

令其露女子嘆曰嗟乎妾獨與母居三十年自守

貞明何宜饋飯而與丈夫越理虧義妾不忍也子

行矣遂自沈於瀨後員克楚還過瀨投金水中而去

明楊氏女丹陽人許字孫堂未嫁夫亡女白父母奔喪不返守貞六十餘年嘉靖年旌

殷氏女丹徒人孝子士望女弟也家被盜盜縛其母欲加撻女哀號請以身代盜曰孝女也兩釋之
嘉靖年旌

史義姑溧陽人許字宜興邵一龍夫亡女袁經赴

之以中心不改四字涅其面事公姑甚謹萬歷中旌

李氏女金壇人許字段應亨為繼室夫亡往夫家撫前妻子女如己出守節終身天啓年旌

李梟妻于氏金壇人少喪夫姑病為嘗糞祈禱懷宗中旌

吳氏女丹徒人許字金壇曹氏子曹亡守節終身懷宗中旌

王氏女金壇人許字孫箴未嫁夫亡守節不二有
司嘉獎

于氏女金壇人許字賀鼎為繼室鼎以讒繫獄恐
不測寄書辭婚女不從曰義無再字鼎父孟巖憂
悸成疾女請於父曰舅老子不在側請歸賀氏父
許之後鼎獄釋尋死立後治喪皆有禮

吳貞女許字馮氏子馮夫矢志守貞不二至老端
坐而逝

狄氏女溧陽人許字周姓夫亡守貞

羅氏女溧陽人許字周有灝夫亡刺字於面歸周

守志

強氏女溧陽人許字陳綱夫亡守貞

楊氏女溧陽人父母死撫弱弟刺守貞二字終身

不嫁

國朝丘氏女丹徒人許字生員龔雄雄亡過門守貞

李氏女丹徒人許字朱世慶慶亡守貞夫家

以上雍正二年

旌表

張與可妻何氏丹徒人刲股療父疾傷重夭歿

徐名貽妻張氏封禮部侍郎張九徵女夫亡奉姑
盡禮姑病割股時稱節孝

莊天澤妻呂氏金壇人姑患癰氏口吮之不懈夜
夢神語云上帝感汝誠孝特延一載癰果漸瘳明
年以他疾終

張貞女丹陽人許字王颺廷以父嬖妾而虐其
母抑鬱成疾垂死女語侍婢白父願往視一見而
暝留執喪未幾父勸之歸歸十餘年復往省姑親
戚咸語其舅媳為若子守宜少分與貲產舅性鄙
而狠溺愛妻子反欲嫁媳以免分財若不能旦夕
容者女念進退俱不可夜自經姑寐而驚急救甦
里黨憤其舅欲訴之官女告父曰以兒故許翁短
他日何以見其子地下乃已有司表其門

賀貞婦武進唐氏女字丹陽賀和衷賀殀居二年
父母欲為擇配女願歸賀氏事舅姑以女貞盡婦
道人稱為貞婦云

劉氏女金壇人許字姜景正正垂歿過門永訣克
盡婦道

王氏女金壇人許配于某某亡過門守節

王撰今妻薛氏武進人年二十一歸金壇王撰今
時撰今已病篤未能成婚不踰月而卒父母欲令

改適誓死不移越數年姪鎬思生撫姪為嗣卒年六十有九

淮安府

唐趙氏女山陽人父貿鹽犯法當死女泣請隨坐鹽鐵官義之特減死論女既全父命即去髮為尼皮日休為立傳

明張氏女郡人許字胡瀛瀛亡女守貞終身

許氏女山陽人嘗刲股療親疾許字周氏子未嫁

夫亡奔喪守節

朱氏女山陽人父死母謀改適女屢勸不聽嫁之日母欲挾女以行不從投河死

生員汪必達妻丁氏清河人封股愈姑疾

沈興祖妻吳氏山陽人封股愈姑疾

李氏山陽人母面生毒醫不療氏封股進羹母汗出遂愈

謝氏大河衛人前後三封股療父母及夫病

王鼎妻張氏清河人剖肝愈姑病後母病又剖股以進亦愈崇禎中旌

國朝楊氏女山陽人許字崔毓英未婚夫卒氏聞訃懷愴縞素赴崔立姪延祀守志三十三載

雍正十一年

旌

蔣氏女山陽人許字高日昂日昂亡守貞終身

潘兆昱妻高氏鹽城人割股療父病夫亡守貞

蔣氏女鹽城人許字王祝順未嫁夫亡守節

黃立乾妻姚氏山陽人封股五次療舅姑父母及夫病其媳姚氏孫女敬姑賢姑昭姑曾孫女賽姑俱封股療姑及母病

高爾珩女山陽人爾珩病妻凌氏封股療女與嫂孫氏俱同夜封股

許氏女山陽人未嫁夫亡守節終身

鄭氏女安東人許字汪宣琬夫亡奔喪守貞

揚州府

明宗氏女許字陳必堯堯死倭寇女守貞不字里中
聞其女賢爭委禽焉適堯父母沒女曰吾示以所
歸則衆望絕想矣親奔喪哭成服而返求婚者始
息勅旌

周祥妻張氏儀徵人割肝療姑病事聞旌表

陳九經妻黃氏高郵人夫病割股投藥弗起舅姑
病復兩割股以療

葉襄妻孔氏江都人侍姑病已疲憊姑沒手製殮衣達旦一慟而絕

國朝喬氏女江都人許字史良輔為繼室良輔暴卒姑迎女歸家撫前妻子有成

蔡氏女泰州人父貢生孕奇為仇陷繫獄女痛父無嗣莫辨其枉恭遇

聖祖南巡上書道旁孕奇得釋還

汪氏女江都人許字馬恒恒夭女歸夫家守節

以上康熙年

旌表

俞氏女江都人許字陳之韞未婚守貞

吳氏女江都人許字汪文斗迎娶及門文斗暴亡

女赴夫家守節

以上雍正二年

旌表

朱氏女寶應人許字涂琰未婚琰卒氏聞訃投繯

至再以母救免麻服歸涂孝事翁姑迄今守志四
十三載

雍正十一年

旌表

高從龍妻黃氏江都人以孝婦稱

許光震妻李氏江都人孝於舅姑繼姑因產殞命
舅欲棄所生子氏急收之乳哺勝已出光震尋登

進士

徐氏女江都人許字閭班生生沒女欲歸喪家人阻之誓不更適依寡母樓居二十年茹素終身

孫氏女高郵人許字車氏子夫亡哭泣歲餘死

李氏女興化人許字解騏驎病篤迎歸永訣女夜刲股以療不效明日沒姑病割股進之而愈

陳氏女興化人許字孫兆奎子斯立夫亡過門守節

萬氏女寶應人許字朱裘未嫁夫亡過門守節

劉氏女寶應人許字李某未嫁夫亡過門守節

耿氏女寶應人許配張平之未嫁夫亡過門守節

李氏女寶應人許字朱芹未嫁夫亡過門守節

鄒氏女寶應人許字天長陳以瑚陳卒女聞訃截

指為誓守貞終身

曹氏女泰州人許字孫繼芳芳死女守貞不嫁晨

昏母側者三十年

朱應辰妻仲氏寶應人刲股療母病

楊永齡妻羅氏寶應人割肝療姑疾

潘俊妻吉氏寶應人割股療姑

徐氏女名淑姜泰州人父病篤割股作羹立愈母患中滿女一歲之中割股四次每次病少瘥卒不起卧母柩側三年哀號上食聞者皆泣

焦氏女江都人許字林廣未婚守貞

汪遐齡妻徐氏江都人嘗割股療母病及歸汪翁姑與夫病劇皆割股救之當姑病時徐將產毅然

奏刀尤人所難

張兆璉妻黃氏儀徵人刲股療姑姑沒哀痛死

黃氏女江都人許字朱天開開幼得昏懵疾願解
盟女不從及嫁不以夫病失齊眉禮夫亡割面自
誓守節四十餘年

徐州府

唐王孝女州人元和中父兄屯涇州戰死女徒跣抵
涇護喪還葬詔旌其門

明尹湯聘妻畢氏州人湯聘以哭母致疾卒氏念翁老而瞽刺繡為養翁歿解衣以殮苦節旌獎

倪祿妻張氏州人祿官指揮擢遊擊倭寇熾與戰死之氏以倪氏無子姑年八十無所託乃毀容勵節事姑臺使旌其門

吳春安妻蘭氏州人夫亡氏年二十姑黃氏年老家貧女紅以養姑享大耋氏服事甚謹三十餘年不違左右

劉愚妻段氏礪山人愚父八旬患病思食肉春荒家窘又居村落肉難猝至段割股奉之病即愈

何氏女宿遷人許字管達為繼室達亡歸管氏撫前妻子守節以終

國朝劉景高妻徐氏州人姑疾篤禱於神刲股以進得愈氏亦若有神助絕無痛苦

張鈺妻吳氏州人事姑至孝鈺赴淮應試姑病劇氏割股作羹雜雞臠以進姑病頓瘳

劉景越妻陳氏州人善事舅姑姑卧病陳侍湯藥數月弗怠病亟陳皇遽祝天割股以療之

陳美妻張氏碭山人姑嬰痼疾醫云不治張禱於神夜夢神語曰汝姑當死惟汝能救之寤即割股肉調羹進三日豁然有司旌其門

崔樹妻蔣氏碭山人澍幼孤母楊氏撫之娶婦二載而澍亡氏泣曰吾非不能殉夫地下也但孀姑誰倚於是紡績以養晨昏定省三十年如一日病

則親嘗湯藥沒則殯葬成禮鄉黨皆稱孝婦郡守旌為中惻完人

朱氏女宿遷人剖肺愈父病

蔡鼎金妻艾氏宿遷人刲股愈翁病

張氏女宿遷人許配虹縣民金長發為妻未婚長發死守貞終身不字

以上雍正二年

旌表

太倉州

明楊九娘嘉定人性至孝父命夜守桔槔苦為蚊噉
不易其處竟以羸死里人傷而祀之其地名楊涇
以孝女得名

劉氏女崇明人許字顧起濱夫亡奔喪守志萬歷
中旌

胡淑寧太倉人許字楊皓未嫁夫亡守貞終身

周鼎鉉妻徐氏嘉定人姑患疽夫出外氏祝天願

以身代越三日無疾而逝後鼎鉉繼妻生女家人
夢徐氏再世及長事祖母二親孝甚勞苦成瘵死
崇禎中徐氏孝女同旌

國朝王貞女嘉定人許字侯世仍未嫁夫亡誓不更字
終身坐一小樓足不履地

順治年

旌表

譚氏女嘉定人許字滕天佑未嫁夫亡父母屢欲

奪志氏伺隙投舍後池中家人覺救乃截髮毀容
歸膝守節盡婦職

康熙年

旌表

施氏女崇明人許字朱士傑未嫁夫亡奔喪守節

雍正元年

旌表

錢氏女崇明人許字施徹鳳夫亡歸施守貞

施氏女崇明人許字朱士魁未嫁夫亡奔喪守節

以上雍正二年

旌表

郁氏女太倉人許字生員吳竣夫亡守貞

雍正三年

旌表

甘氏女嘉定人許字歸臣樵未婚夫亡奔喪養姑

雍正十一年

旌表

朱氏女崑山人許字太倉徐曾詢詢歿歸徐孝事

翁姑

嚴氏女嘉定人許字印佩金夫亡歸印數載絕粒

殉夫

以上雍正十三年

旌表

金氏女寶山人許字周楠未嫁夫亡守志不二

海州

漢竇氏東海人少寡無子養姑孝謹姑以已故妨婦
嫁自縊死姑女告婦殺之婦誣服竟殺孝婦郡中
枯旱三年後太守于公至曰孝婦不當死咎當在
是祭其塚天乃大雨

明侍小花海州人年十六許嫁而夫亡歸夫家守節
洪武中旌

史寬妻張氏賴榆人割股愈姑疾

劉氏女賴榆人名妙圓許字張森森亡衰麻往殯
守節

賈中舉妻昌氏沭陽人刲股愈姑病

毛氏女沭陽人刲股愈父疾

王氏女沭陽人刲股愈父疾

國朝王司理妻雷氏賴榆人刲股愈祖姑病

丘宗道妻洪氏賴榆人刲股療舅疾

杭躍龍妻王氏賴榆人刲股療母病

宋芳妻李氏沭陽人刲股愈母病

葛一鶴妻周氏沭陽人刲股愈姑病

葛一麟妻仲氏沭陽人刲股愈姑病

張氏女海州人許字徐方昇流氛殘縣城方昇陣
亡氏年十八過門守節以姪适為嗣午夜伴讀得
列龔序苦節六十一年

以上雍正五年

旌表

李貞女賴榆人

雍正十一年

旌表

通州

明朝顧士掄妻許氏如皋人吏部員外許直女許字未
嫁掄病革乞歸侍湯藥逾月夫亡舅姑繼歿氏求
伯子為嗣甲申聞父直殉難北向號泣成疾死

國朝蘇氏女如皋人許配許拱拱夭女歸許事姑撫嗣

子

雍正元年

旌表

生員王珽妻冒氏如皋人夫歿奉孀姑隣家火起
氏獨抱姑出寢室餘皆不問火竟不延氏有侍女
張念主母苦操終身相依不適人七十歲死氏年
今八十有八

曹氏女泰興人許字于朝紳未嫁夫亡守志

以上雍正二年

旌表

凌氏女泰興人許字張自雲張殤父母更議婚自
縊救甦乃止凌氏貧無子女終身依膝下且撫螟
蛉以為張氏子後

雍正九年

旌表

真定知府徐起霖妻白氏通州人事舅姑盡孝舅

大紳家貧授徒有故人冒雪相過大紳四顧無措
氏潛質布裙具酒食頗豐潔舅苦多男第七子生
將棄不育氏舍其兒而乳之長婦劉氏長孫婦陳
氏皆能奉氏家法以孝慈著人謂徐氏壺內世濟
其美云


冒襄妻蘇氏如皋人姑疾篤同夫焚香籲天願以
幼子充代子殤姑愈時稱孝婦

賁氏女如皋人許字曹未嫁夫歿未幾舅姑皆歿

無子女往視含殮哭泣病卒

王氏女通州人許字蔡以禮夫亡守貞

馮氏女通州人許字季來賓夫亡過門守貞



江南通志卷一百八十八

欽定四庫全書

史部

江南通志卷一百八十九

詳校官給事中_臣丁雲錦

檢討_臣德生覆勘

總校官編修_臣王燕緒

校對官庶吉士_臣吳裕德

謄錄監生_臣宋學瀛

欽定四庫全書

江南通志卷一百八十九

人物志

列女

貞孝二

安徽寧池太廬鳳潁八府滁和廣六泗五州

安慶府

明程氏女系出河南隨父家於皖許字楊宗禮未婚
夫亡家貧母強之再字女泣曰餓死事小失節事
大紡績自給終身祀烈女祠

方氏女桐城人許字盛某未嫁夫亡服衰往哭歸
依兄以居年七十卒

左氏女桐城人許字韓崑崑父避仇遠適挈崑行
聽女別議婚女曰一與之盟焉能更事他人堅守
至二十載崑歸成婦七年卒

章氏女太湖人許字汪氏子未婚汪夭女毀容截
髮守志以終

羅氏女望江人小字引貞許字方自宣方夭女聞

百計求死為母姊所持因求歸方氏紡績奉姑二
十年無疾而終崇禎時旌表

國朝黃巽貞懷寧人許字葛一舉舉早沒黃年十五聞
訃奔喪斷髮奉養舅姑縞衣蔬食卒合葬舉墓祀
烈女祠

程氏女懷寧人許字陳洪未婚洪死女固請服喪
立嗣守志嘗刲股療姑病

高氏女桐城人許字王家俊夫亡哀經奔喪設主

於室守貞以終 康熙年

旌表

許氏女桐城人許字儒童胡尚虞尚虞死哀經奔喪獨居紡績孝養舅姑立尚虞兄子祚履為嗣

雍正十三年

旌表

童氏女桐城人許字馮某

方氏女桐城人許字葉文元

吳氏女桐城人許字張若琅

姚氏女桐城人許字王士瑤

周氏女桐城人許字章彌六

林氏女潛山人許字王前洛

馬氏女潛山人許字黃化澤次子

周氏女太湖人許字章鍾祥 以上俱未嫁夫

亡守貞

儲良相妻時氏潛山人嘗刲股以愈姑病夫病復

然

龍氏女望江人名佛貞割股救祖母疾

徽州府

唐章氏二女歙人隨母登山採桑虎攫母二女號呼
搏虎母竟獲免終身奉母不嫁刺史劉贊表所居
為孝女鄉

宋汪三桂妻張氏歙人嫁逾月而夫亡養舅姑以孝
聞

葉氏女婺源人許字程士龍未嫁奔夫喪誓不再
適事聞旌表

葉氏女歙人父母歿鞠於叔母叔母疾割股救之
終身不嫁年八十一終

明程湔妻汪氏休寧人刲股療姑病詔旌表

李德佐女婺源人年十六聞父遇害慟哭自經洪
武九年立祠歲祀

汪基女婺源人許配葉天彛奔喪事舅姑守節旌

表

胡氏女歙人名玉娥年十三偕弟之憲割股療母
病題旌雙孝

方氏女休寧人許字李宗敏死議婚不從往李
守節終養舅姑旌表

王氏女休寧人許字程思未婚客死氏守志養姑
建坊旌表

江巖龍妻方氏歙人繼姑性嚴好督責疽發背方

親視藥洗滌至以舌舐瘡口二十五而寡撫妾遺
腹子成立崇禎時旌

俞堂妻胡氏婺源人家貧翁老瞽病瘋堂傭外胡
生養死葬以勞瘁死

江茂嵩妻俞氏婺源人嵩客外姑病篤俞夢神教
以進乳乳姑從之姑愈而俞以困憊死

朱隱貞歙人年十七許嫁未適而夫死不嫁終身
詹子民二女歙人姊名師妹名岳皆未嫁守志終

身

程法姑歟人許字蔣應約約亡女臨喪哭奠隨孀
母守節

程氏女歟人許字吳從仕仕亡女奔喪守節

許氏女歟人幼警悟通書史年十七刲股療父疾
黃細姑歟人許字章一綱綱死寇難女坐卧一室
禪誦終身

黃玉芝歟人性至孝嘗刲股療母病

施氏女婺源人父仁卿歿遺孤二齡女年十五撫弟不嫁人稱其居為貞節里

國朝金氏女休寧人許字吳士書士書早歿守貞終身

雍正三年

旌表

曹氏女婺源人許字汪曦夫亡守貞

盧氏女黟縣人許字許永元元死女詣許守貞

雍正四年

旌表

吳氏女歆人許字胡國辰辰亡女過門事舅姑立

嗣守貞

雍正九年

旌表

金慶治妻汪氏婺源人事翁姑盡孝姑盲籲天禱

祠得明

雍正十年

旌表

胡氏女歙人名芳葵年十九尚未許字事父母祖
父母俱得歡心祖母病劇女封左股和羹進得愈
逾時病復作女復封右股家人無有知者忍痛侍
側晨夕弗怠祖母死女號慟創裂連呼祖母及
父母而絕

汪于賡女歙人母病瘋父遠館女侍疾盡孝母亡
殮畢遂投繯卒

程氏女休寧人許字趙徠徠卒京邸女年十六聞訃詣趙立嗣守貞卒年四十有三

寧國府

南北朝宣城女逸其姓母為猛獸所攫女啼號搏獸行數十里獸置其母去梁天監中詔旌其門

元葛妙真宣城人年九歲聞術者言母年至五十當死即涕泣茹素終身不嫁以祈母壽詔褒異之

唐八妙宣城人兄亡姪幼憐其孤遂留撫之終身

不字

明仲文妻郭氏宣城人年二十夫亡家貧奉姑姑病親為嘗糞事聞旌表

汪德香南陵人未嫁夫死奉夫主居一室家被焚所居獨完萬歷年旌與梅烈婦同祠

胡催蓮涇縣人許聘朱御御亡衰經往奠偕一婢樓居不見一人姑病籲天刲股得瘳年六十卒其婢亦以處女終身事聞旌表

張星妻陳氏宣城人繼姑甚嚴嘗以無事碎其首
父聞之恚氏曰兒自失足耳非姑所致也姑得惡
疾同卧起者三月無懈意

翟抱貞涇縣人許字王怡怡亡氏衰經奔喪遂依
舅姑以節終

趙善末妻王氏涇縣人幼養於趙未婚末亡伯父
欲使他適氏曰侍姑終天年可也年三十六姑沒
又勸之氏曰吾老矣又何之遂以完節聞

國朝胡氏女太平人許字汪忠瑚瑚亡守貞

胡曷妻周氏涇縣人未婚曷亡矢志守貞

以上雍正三年

旌表

錢氏女宣城人許字施躋躋亡守貞

雍正五年

旌表

邵重妻盛氏南陵人夫亡隣媪以家貧勸令改適

盛鬻斷一指示之事姑至孝一夕盜執其姑亟以身衛刃傷左臂仆地右臂仍擁抱其姑盜為感動釋去

章女佳英南陵人許字曹元輔輔卒女終身居一小樓年八十餘卒

姚希儒妻施氏南陵人儒臨沒以瞽母弱息相諉氏謹事瞽姑飲食坐起弗少離年七十三卒卒時命子虞曰必葬我姑之側姑在時跬步無我不能

行今泉路誰倚乎我願地下長相隨也

賀大震妻王氏涇縣人姑信幼子譖逼震出之王
歲時問遺不敢怨尤閱數年姑病亟姑命迎還氏
剖股療姑姑悔且泣夫弟譖氏者亦感悟遂相保
如初

梅氏女宣城人許字施士錞未婚錞卒女詣施守
貞旦夕慟哭三年沒

俞氏女宣城人許字胡鳳聲夫病同母往視及鳳

聲沒留胡養姑白首一節

黃日新妻程氏寧國人寡居奉姑姑病劇氏夜夢
神語以人肝可治明日便剖肝進之創甚而卧鄰
嫗知其故以語姑姑驚喜曰婦孝乃若是霍然起
走視婦婦見姑亦驚喜而起姑由此遂愈而婦創
未合求醫途遇一人裂帽氈與煎湯飲果效所遇
殆神人云

池州府

明章氏女名佳英貴池人幼孤依兄嫂兄以逋賦竄死佳英與其嫂撫遺孤終身不字

周氏女名清香東流人許字阮廷柏廷柏偕媒妁納聘歸舟溺死女聞設位哭遂獨居紡績守志以歿詔旌之

余謂道妻李氏銅陵人姑疾篤貧不能延醫剖肝療姑以過傷死

管氏女名蓮姑貴池人許字胡邦賢未婚夫卒往

依舅姑立後守節垂三十年歿

章氏女名嘉姑青陽人許字曹某未嫁夫亡乃剪髮居一樓父母歿三弟幼稚皆撫之有成

陳某妻沈氏青陽人翁疾刲股以進遂愈

沈氏女名新第石埭人許字涇縣查一球一球死父復許湯某女以死拒歸查奉姑至老其所居室每歲有孤燕棲之涇人士為作孤燕來巢詩

沈氏女石埭人許字李電電與博徒遊為父逐莫

知所往翁與父諭令改適女泣不從父怒每日僅給米二合女志愈堅獨居紡績年踰八十始歿

桂一義妻吳氏石埭人刲股療姑及夫

鄭氏女建德人許字陳某陳夭女聞請往成服奉姑父母持之邁疾而殞

國朝余氏女貴池人許字柯繼超夫殤歸柯立嗣守貞陳氏女銅陵人許字方國榜未婚守貞孝事翁姑以上雍正九年

旌表

胡氏女石埭人許字沈自材未婚材歿歸沈守貞
以老

雍正十三年

旌表

夏氏女名端姑貴池人許字姜蓁齡齡將婚而夭
女閉閣八年髮為盡白姜氏迎歸立嗣後以母喪
哀毀卒

章氏女貴池人名坤姑許字潘有昌有昌夭父母
別議婚女聞自經母救之乃衰服詣潘哭夫於墓
奉姑以終

孔尚坤子婦方氏建德人坤病劇氏刲股以進臂
創甚醫者云須活鼠皮傅之尋一鼠自來若陰有
畀之者傅之而愈

姚之皋妻劉氏建德人性至孝歲大饑糠粃不飽
必購米以奉翁姑姑歿哭之幾絕後年踰七十

陳氏女石埭人許字周嶽齡將婚而嶽齡殞女聞
訃卧床不起絕粒六日死目不瞑父囑以送柩合
塋於周女復張口應聲目始瞑

太平府

五代聶氏女當塗人家貧女年十三隨母採薪虎攫
母去女持刀追虎殺之母屍得全

宋李之儀妻胡氏名淑修字文柔之儀以撰范純仁
遺表事蔡京陷之獄淑修之京得范手創稿證之

儀得免後編管太平州遂家焉淑修純孝負土塋
親淚落枯枝復生

詹氏紹興初淮賊至蕪湖欲殺其父兄詹泣拜求
以身代賊釋其父兄女隨行過市橋躍入水死時
年十七鄉人為立祠以祀明太祖有詩褒之

明學士陶安妻喻氏當塗人名德常事姑以孝聞高
帝克金陵時安移家就焉氏因邀母偕往友諒陷
城諸喻多被其害氏母以移居無患

潘禮女當塗人名妙靜許字陸永資夫死誓不改
字媒氏偶勸之潘以沸湯自抵其首自是無敢言
者年七十六終於家

俞琬女蕪湖人名寶姐許字陸謙謙死俞守貞四
十有二年萬厯間旌

吳實妻芮氏蕪湖人實亡氏苦節事姑盡孝姑病
刲股以作羹姑死刻木肖像奉侍如生苦節至七
十餘萬厯間旌表其墓

徐民極妻董氏繁昌人名春英董輝女極遘奇疾
氏刲股以療之不起截髮苦守姑病篤復刲臂以
進立愈奉姑終老

強資之妻劉氏繁昌人姑病篤籲天割心和藥以
進姑病遂愈氏壽登百歲

孫氏二女繁昌人孫富季女兩姊嫁季嚴拒不字
願侍父以終養其伯兄聰女方十齡見而誓之曰
姑能孝我獨不能孝乎亦堅不受人聘年各七十

餘郡人稱為雙白

徐憲女當塗人名采芹母病刲股孝事雙親終其身不適人

白氏當塗人父夫俱失其名未嫁夫亡守貞不改年七十有餘忽更衣拜木主前禮終而氣絕異香滿室

張椿女當塗人名王貞幼字谷姓夫亡父母欲更配誓不肯從守貞終老

俞氏蕪湖人許字潘子謙謙死守貞終身

生員湯一藻女蕪湖人許字吳兆辰辰亡守貞三十餘年而卒

國朝楊可侯妻施氏當塗人年十九夫歿撫遺腹子刲股療姑病姑卒哀慟幾絕復事繼姑孝敬無異教子成立守節歷四十二年

康熙年

旌表

王國勲妻潘氏蕪湖人年二十夫亡撫藐姑割股療姑疾

李氏女當塗人許字朱時鳳夫歿誓同穴守貞夫家歷三十年卒

陳國治妻晉氏當塗人年二十九夫死守節撫孤割股療翁教子成立

以上雍正二年

旌表

施有應妻周氏當塗人年二十八夫歿事舅姑盡
孝姑病氏割股以進撫孤成立

雍正三年

旌表

萬尚相妻齊氏蕪湖人年十九夫亡苦志守節姑
病氏割股以進撫孤成名

雍正五年

旌表

曹氏女蕪湖人許字范馴夔夔死誓不改字守貞
終身

雍正十年

旌表

張氏女蕪湖人許字韋聖聰未嫁夫亡守貞隣家
火災氏護翁姑不出門天反風火滅

雍正十三年

旌表

庠生陳啟忠妻潘氏當塗人潘誕女受聘後夫患
瘋疾舅辭婚氏截髮以誓歸陳侍夫疾夫卒事舅
姑以孝父謫死無子氏迎櫬歸葬苦節五十餘年
庠生魯天驛妻邵氏當塗人夫亡貧甚勤紡績以
奉姑剜肝以療姑病姑歿營塋盡禮

汪元選女當塗人許字吳炯然炯死汪守貞不字
與寡母胡氏共帷苦節

朱氏女當塗人許字戴國榮戴卒氏年十六奔喪

撫棺泣血歸依孀母守貞歷三十餘年卒

曹氏女當塗人名淑女許字黃元鼎未嫁黃遠遊
不歸氏矢志獨居一樓廿餘年卒

魏日曉妻唐氏當塗人夫與翁姑病俱刲股療之
夫亡苦節五十三年卒

沈載道妻殷氏當塗人夫亡苦節教子刲股療姑
張治維妻徐氏當塗人初割股療姑夫病復刲股
苦節撫孤五十餘年

丁士端妻劉氏當塗人年十七夫亡苦節教子翁
病刲股療之

楊復泰妻張氏當塗人夫亡苦節姑病痿朝夕扶
掖無頃刻離

庠生曹臺岳妻方氏當塗人姑病篤氏籲天刲股
以進姑立愈

張旭妻孫氏當塗人姑病刲股療之

太學生鍾開祚妻孔氏當塗人姑邁奇疾氏割股

和肉糜以進姑姑疾頓起嘗歸寧見江畔暴屍捐貲鬻樁以瘞夫亡守節以終身

楊搏妻曹氏當塗人名青楨性孝父死嘔血數升事翁姑盡禮盡孝

張汝默妻彭氏當塗人姑病同默侍湯藥三月不解帶籲天願以己身代姑遂愈

鄉大賓李世爵妻朱氏當塗人事舅姑以孝著姑病劇氏禱神願損己壽姑後亡哀毀盡禮奉繼姑

孝敬如前

黃氏蕪湖人失夫名事孀姑盡孝姑瞽氏刲股以進目復明

魏嘉善妻周氏蕪湖人善早卒撫孤守節繼姑待之酷氏奉事愈謹勤紡績以供朝夕自食糟糠不令姑見

朱嘉生妻周氏蕪湖人夫與翁病俱割股療之夫死苦節四十有九年

章甫畧妻王氏繁昌人翁病篤虔禱夜半割股以進疾遂愈

陳開虞妻楊氏當塗人年十四母病氏割股療之適陳盡典衣飾相夫營墓翁姑後父病氏仍割股鄉黨稱為純孝

李世翰妻端氏當塗人端士志女姑病刲股以療翰仕太和邑有因貧棄妻者氏脫簪珥全之貧民棄嬰於道每收育給資以養

王煜妻徐氏當塗人夫早亡氏苦節撫孤姑病割股以療

徐章達妻夏氏當塗人姑病累月衣不解帶祝天願以身代有羅某為人介紹鬻子僕逃羅攜子來質氏辭之火其券歲饑出穀賑濟不繼出紡績錢佐之年七十餘卒

廬州府

元張氏女廬江人嫁為高皇妻母病目喪明張氏歸

省抱母泣舌舐之忽復明事聞旌表

明李禹女秀真無為人父禹卒於外聞訃嘔血數升

卒

陸萬鵬妻侯氏無為人割肝療姑病

張崇舜妻朱氏舒城人壬午城破負姑出郭匿田
間晝伏夜走啖草飲泉數日姑賴以活

國朝聞氏女巢縣人許字丁姓子遠賈不歸女終身不
嫁

張冕妻陳氏巢縣人年十九守節父與姑病皆刲臂肉投羹療之竟以瘡歿

方氏女廬江人許配葉文元元卒女衰服徃弔觸樞而死救甦立嗣守節

李氏女廬江人許配宋嗣熙熙卒守貞終身

趙廷璋妻陳氏合肥人少寡事姑孝姑病臥數載嘗藥滌穢以勞瘁仆地卒

陳氏女合肥人許配蘇知非非從軍歿女聞訃變

服守貞終身

周氏女無為人許字孫世祿夫歿奔喪守貞

王貞女無為州生員王虞友女字張翰長子可權
未婚張沒女至壻家服喪事翁姑盡孝數十年如

一日

鳳陽府

明潘麟妻高氏鳳陽人事父至孝適麟刲股療姑姑

卒偕夫廬墓三載

岳生璧妻俞氏鳳陽人事孀姑盡孝姑疾刲股以進疾即愈

唐儒女鳳陽人年十三刲股愈母疾歸藥執婦道事舅姑以孝著

尹端母陳氏鳳陽人刲股愈母疾

趙廷劍女鳳陽人刲股愈母疾

杜炳女鳳陽人刲股愈母疾

徐士元妻孟氏鳳陽人夫病割股弗能愈自經至

再解救得不死翁目盲復刲股進目乃復明夫歿
年二十七守節終身

沈思肇妻吳氏鳳陽人事舅姑至孝夫病氏刲左
膊肉煎湯進其子沈律亦於是夜割左股進疾愈
田民妻連氏鳳陽人姑病篤氏刲股以進姑遂愈
孟汝濟妻張氏鳳陽人刲股救母疾
張堂妻史氏鳳陽人姑病刲股愈之

華宇妻劉氏臨淮人刲股療姑

宋溥妻張氏臨淮人刲股療姑

王大信媳鄭氏臨淮人刲股療姑

劉繼興妻盛氏臨淮人刲股療姑

李志學妻孫氏臨淮人刲股療姑

袁氏女懷遠人年十四許字周夢蟾周歿獨居小樓守貞二十六載卒

陶仲科女懷遠人許聘劉澤遠未嫁澤遠死女年十八矢志守貞五十年卒

方繼準妻袁氏懷遠人姑病刲肘肉以進即愈

生員許惕若妻周氏懷遠人年十七適惕若入室甫三日姑病割左臂肉以進病遂痊

謝應期妻崔氏懷遠人年十七適應期繼姑病篤割左臂肉以進

呂奏雲妻唐氏懷遠人姑孫氏病唐刲左臂肉作羹以進姑隨愈先是其祖姑常氏亦刲臂以療翁疾

何堯庚妻李氏懷遠人家貧鬻女紅以養姑姑病
刲股肉為湯以進姑愈

貢生段可教妻劉氏懷遠人夫死守節姑病刲股
以療女適袁蘊其姑病女亦刲股救之

生員張建鼎妻黃氏媳孫氏壽州人翁病刲股後
黃病媳孫氏亦刲股療之

曹氏女宿州人許字劉氏子劉以應試嘔血死女
隨母往弔即拜翁姑曰此乃我家也守貞五十年

丁鳳翔妻李氏宿州人李永福女年二十三生男甫週鳳翔歿苦志守節姑病革李刲臂以進乃甦庠生田生玉妻張氏壽州人姑病刲股肉和藥以進姑愈

何邁海妻梅氏懷遠人先是翁病疫姑李氏刲股以療之後李病梅氏亦割股以進姑隨愈

國朝徐長允女定遠人許字馮廷棟年十四馮卒矢志守貞

順治年

旌表

張偉器女懷遠人許字方楫未婚方病女趨侍湯藥未及門而夫卒毀容泣血守貞終身

姚淑芳懷遠人許配沈結未婚結死剪髮守節終身

李氏女壽州人許字張於坦張歿女絕粒誓死姑勿許守貞終身

張氏女虹縣人許字金長發年十六夫卒女同父
母往弔撫棺慟哭自經柩旁解救得不死遂留夫
家守貞

以上康熙年

旌表

蘇球女名淑姑懷遠人許字方連城方歿女年十
四截髮毀容守貞三十八年

雍正七年

旌表

凌和繡女名金姑懷遠人許字徐逢達徐歿奔赴
守貞終身

雍正九年

旌表

梅方女懷遠人許字宋德明年十六宋亡守貞終
身

宮普妻黃氏懷遠人翁病刲股以進頓愈

王蘭室女懷遠人許字張奇奇亡女年十四歸張
守貞翁疾刳股療之

陶鏡妻施氏懷遠人父病割股夫病亦刳股

劉毓正妻李氏懷遠人割股療姑病

陸梅女懷遠人許字廖良田廖歿女年十六隨父
奔喪撫夫棺慟絕姻親伺之不得殉廖氏辭婚女
引刀斷髮刺面哀毀不食父母泣勸日食麥糝一
二盞廖氏為立嗣守節終身

吳國琰妻黃氏臨淮人舅患背癰危甚割股進之
立愈

姜文詔妻楊氏臨淮人姑患暴疾氏割股以進即
愈

張鐵冶二女臨淮人父病第三女割股救愈其妹
亦割股療母疾

李氏臨淮人姜鏡家婢主母病篤割股愈之

吳國璽妻唐氏臨淮人翁病驚悸耳以奉湯藥垂

危刲股療之

史筆妻朱氏臨淮人割股愈姑疾

馮如哲妻魯氏臨淮人割股愈翁疾

馮大受妻華氏臨淮人姑病氏侍湯藥衣不解帶
姑歿姑齋廬墓三年

陸氏女臨淮人割股愈父疾

王家汲女臨淮人割股愈父疾

馮孰京妻張氏臨淮人割股愈姑病

張國經妻趙氏臨淮人割股愈姑病

劉傑妻越氏臨淮人割股愈姑病

杜天鶴妻楊氏臨淮人姑病刲股救愈夫亡苦節

自守

王風清女臨淮人許字胡廷琮琮歿守節終身

武舉胡遵夏妻劉氏壽州人割股愈姑

袁思春妻王氏割股救姑夫病亦割股療之

庠生王錫民妻趙氏壽州人割股愈姑夫亡撫孀

祿遺孤姑歿哀慟淚盡繼血遂致雙瞽

舉人金用乾母金氏壽州人父疾篤祝天願以身代刲股救之

李大權妻汪氏壽州人刲股以療姑病

劉餘慶女靈璧人許字馬饒哥馬殤女年十二讀書明大義乞父偕往治喪見祖姑趙氏衰老無依女即隨趙孝養守貞以終

趙桂妻華氏靈璧人父病刲股舅姑病亦刲股療

之舅姑歿廬墓三年

田及時妻王氏靈璧人舅病篤割股和藥療之

潘徵源妻楊氏懷遠人繼姑病兩載衣不解帶病
篤刲股療之夫歿苦節終身

崔聞紹妻房氏懷遠人翁病刲股療之年二十四
夫死撫孤守節

李氏女壽州人許字黃選未婚黃卒氏歸黃守貞
顧霜錫妻吳氏壽州人夫歿撫孤守節孀姑病篤

氏割股療之

李氏女壽州人許字黃瑄瑄死女歸黃守貞孝事舅姑苦志終身

杜允吉妻葉氏壽州人姑腹疾久不痊氏刲股作羹以進疾隨愈

生員汪中植妻姜氏壽州人姑病篤曰能得肺湯否姜應以有遂焚香告天刲臂肉為湯以進姑愈得其故歎曰我十二歲曾刲股救親今汝能是得

非天意耶郡守以誠孝格天表之

謝烜妻張氏壽州人孀姑病氏刲股以療夫歿奉姑育子守節終身

康生謝令樹妻盛氏壽州人翁病篤潛剗臂肉和藥隨愈

顧問官妻方氏壽州人夫歿守節姑病篤刲股愈之

夏氏女壽州人許字劉瞻函劉歿女聞訃不食父

母勸止守貞數十載

馬化妻李氏壽州人孀姑程氏疾氏刲股療之

生員張紹美妻葉氏壽州人刲股愈翁疾郡守表

之

生員方育英妻汪氏壽州人姑病氏刲股以療夫
歿投繯自盡解救得不死苦節教子成立

晏旭妻傅氏壽州人夫歿守節姑病篤刲股以療
顧氏女壽州人許字王某未嫁夫歿女哭泣奔赴

遂留奉姑守貞以終

劉欽女壽州人許字侯會玉侯病歿女年十七自縊獲救遂歸夫家守貞

劉鍾妻周氏壽州人姑病篤刲股和藥愈之

毛國秀妻曹氏壽州人姑張氏病刲股療之母龔氏病亦割股以愈

方貞女壽州人許字方訓未婚方歿誓不改適苦志守貞

劉顏學妻劉氏壽州人奉孀姑至孝夫病篤刲股
愈之姑病亦刲股以療

潁州府

明陳海妻李氏潁州人早寡守節姑病思食蒲笋氏
匍匐三十餘里採之鄉人傳其孝州牧申請表之
梅廷光妻沈氏潁州人翁病氏割股以進病隨愈
巡按表之有司歲給粟帛

謝氏女潁州人許字盧賡盧死女年十六訃至五

日不食母多方苦勸終身茹齋女紅自給守貞五十餘載

阮時中女霍丘人隨父之任中州父病篤女刲股和藥進遂愈

李氏女名大兒霍丘人年十三父病不能痊女禱天刲股肉以療之

侯氏女亳州人許字徐文起夫亡往弔藁臥柩旁三載守貞四十八年

國朝陸濂女蒙城人許字龐負圖龐病瘋死女聞訃累日不飲食幾斃與父母相依守貞父病思食肉女潛割股以進頓愈父母亡哀慟嘔血

順治年

旌表

劉氏女亳州人許字胡卓未嫁胡病篤欲迎氏歸父母難之氏曰夫病翁姑老願往侍湯藥至胡門五十八日夫卒欲殉不得立姪為嗣守貞終身

雍正六年

旌表

李廷學妻朱氏亳州人母病籲天以身代姑歿于里扶櫬殯塋

雍正八年

旌表

侯氏女亳州人許字徐某夫歿苦志守貞

薛氏女亳州人許字張道福張為賊擄氏守貞五

十餘載卒

王氏女名素貞亳州人許字李殿基李緣事入都
不得歸父母令他適誓死不從聞隣翁識夫所在
求偕往訴當事夫得釋歸聚偕老

姜氏女蒙城人幼許李雲鵬李病篤女欲與訣父
允之僅一見而李亡女留不去事孀姑撫夫幼弟
守貞至七旬卒

滁州

明秦氏女名善才州人母孀居女誓不嫁養母卒年七十有五

章氏女州人許字盧守恭盧病亟迎歸不能婚尋卒女誓不再適年七十一終

魯氏女全椒人兄宗源夫婦俱早世遺孤志和志能女誓不嫁撫之後和欲請旌女辭曰吾女子不嫁豈常理乎卒年八十有四

庠生邵希伯妻趙氏全椒人事姑熊氏備極孝養

姑病三日不食氏亦三日不食媳金氏亦孝事趙克紹其姑

陳治書妻朱氏全椒人性至孝母病日不食夜不寢刲股作羹得愈越歲母卒哀毀幾死

謝氏女滁州人父以逋糧出亡其母被刑而死女營葬畢一慟而絕

國朝李氏女六合人許字全椒翰林吳昺子霆榮未婚榮歿氏聞訃歸吳守貞撫嗣姪姓入泮姓聘江寧

貢士梁金鋹女未娶甞復歿梁氏年十七聞訃誓
死以姑在而養姑立嗣是急遂稟父歸吳一以姑
志為志鄉里咸稱一門雙節

雍正七年

旌表

羅貞女全椒人

雍正十二年

旌表

和州

明韓泰初妻劉氏泰初本新樂縣人洪武間徙家和州姑甯氏塗次撲地傷腰劉籲天刺臂血和湯以進得愈至和州姑患瘋痺不能起時值盛夏劉晝夜驅蠅蚊不怠姑卒未能歸塋號泣不輟事聞詔至京師厚賜之遣官送甯氏喪歸塋旌其門

沈璿妻張氏餘姚人永樂初璿父官和州吏目因家焉氏年二十三璿亡姑憐之欲令改適氏泣曰

姑無子婦去姑何所依忍饑奉姑年九十有二終
賽仲玉妻清氏和州人少寡苦節敬奉舅姑舅年
一百一歲姑年九十喪塋盡禮宣德年旌表

成其德妻祖氏和州人早寡誓不再適事舅姑以
孝聞姑歿哀號不食後姑一日而死

羅氏女含山人名允許字蔣冉冉殤女矢志守貞
隣媼給以將納某氏采遂自經急救得甦姑家高
其義迎歸後以流賊震恐隨母歸新安母死女哀

毀病卒於遺篋中得白練半幅以朱絲刺字曰此
貞女羅兇之屍見者其覆藏之蓋寇警時製以自
佩也

唐有妻胡氏含山人夫卒事姑谷氏盡禮姑病湯
藥必親嘗姑曰爾至性不愧若夫俾吾轉為婦於
來世可也事聞詔賚粟帛

蔣崇仁妻李氏含山人刲股療姑疾
鞠長華妻王氏和州人刲股療姑疾

劉祁妻高氏和州人刲股療姑疾

姜飛熊妻孟氏和州人刲股療姑疾

杜如芝妻陸氏和州人刲股療姑疾

彭光祖妻劉氏和州人刲股療姑疾

汪嘉會母趙氏和州人刲股療姑疾

王弘中妻魯氏和州人刲股療姑疾

詹坤妻馬氏和州人刲股療姑疾

國朝徐氏女含山人許字張有苞張殤女年十三聞訃

潛投於池母奔救得免遂歸張奉姑立嗣守貞三十六年卒

雍正八年

旌表

施某妻楊氏和州人事舅姑盡孝

雍正九年

旌表

葉貞女和州人許字張企濂將擇吉迎娶夫邁疾

就醫姑孰卒於舟殯城南廟宇氏凶服隨父母與
姑奔喪哭奠牽姑衣下拜暈而復甦者再欲隨姑
歸姑辭之氏曰予無生理實無死地姑辭之堅遂
欲自經父母憐其志因歸張氏事祖姑與姑色養
備至及喪葬則盡哀盡禮母氏家業中落氏力營
父喪鬻針黹以供母焉守貞三十年卒

楊漢廷女和州人幼許字施萬裔後裔病瞽翁姑
恐誤氏語媒聽他適氏聞之斷髮明志及歸施姑

病乳岩癰潰蓄腐難盡氏乃口吮膿血淋漓齒頰
卒無厭苦姑病以愈夫亡誓以死殉絕粒六日諸
子哀哭而止

以上雍正十一年

旌表

許貞女含山人許字鮑應舉舉疾篤迎歸侍湯藥
未成婚而舉死女呼天泣血屢絕復甦勺水不入
口父母勸之隱忍就活鮑氏無所依女隨父歸屏

飾茹素足不窺戶外偶聞有議婚者即疑為已毀
容自誓後病家延醫視之不藥而死死時強起櫛
沐與家人訣勉以大義端坐而逝時年四十有五

廣德州

明夏英六女建平人幼字廣德阮燧燧亡氏往弔遂
弗還坐臥小樓四十年萬歷中旌表建坊

濮陽琦女廣德人許字施姓夫亡設神主就父家
祀焉父更納他姓聘女誓死不可乃已守貞終身

國朝王命舉妻史氏建平人年十八夫亡無子姑年老氏嚙藥飲冰奉姑終老年七十八卒

生員宗儒妻潘氏建平人夫亡僅遺一弱女氏矢志不渝上奉耄姑色養無違人稱節孝

泗州

明羅思儒妻郭氏盱眙人刲肝愈姑病

蔣東昇妻朱氏天長人夫死氏年二十四撫遺腹子與孀姑同寢處飲食必投所好歲饑出衣釧以

濟諸叔之艱事聞以孝旌表

田柏妻王氏天長人孀姑周氏久病王刲股為羹以進立愈

劉廷璽妻王氏天長人翁病臥牀王衣不解帶視湯藥下乳以進九載勿怠

張振聲妻丁氏天長人刲股愈姑疾

李增吉女天長人年十四祖母病篤刲股救愈

吳三遷女天長人年十二刲股救母病母歿不食

死

陶氏女天長人名文淑刲股愈母疾

岑大順女天長人年十四刲股愈母疾

潘其英女天長人母病危刲股以進賴愈

生員董炳妻王氏天長人年十四刲股和藥愈母

疾

陳其仁妻鍾氏天長人刲股愈姑疾

王世臣妻徐氏天長人刲股愈姑疾

吳榜望妻葉氏天長人刲股愈姑疾

劉啓盛妻陶氏天長人刲股愈姑疾

阮長卿女天長人許字王道昇王死女縞衣見父
母長跪請奔喪至夫家泣曰三年之喪以入門始
分以媳終養無還理遂守貞凡三十三載跡不逾
堂終其身夜臥衣不解帶

國朝馬氏女盱眙人許字監生苗澄未嫁而澄死遂居
夫家以守貞終

康熙間

旌表

曹守穀妻徐氏天長人翁病危氏刲股肉以進隨
愈邑令以孝德感天表之

吳日澄妻徐氏天長人夫死守節翁欲奪其志氏
剪髮誓死姑病刲股愈之拮据辛勤營葬三棺
柳存贊妻俞氏泗州人刲股愈母疾

宗氏女盱眙人許字蘭在時夫亡守貞終其身

石應瑞女天長人年十七父病割股勿效哀毀身死縣令表其墓

生員沈九鉞母王氏五河人姑病篤刲股救愈夫死年二十二守節以終

李序女五河人許字陳澄泰未嫁陳死氏年十七往弔服喪三載返母家父母欲令改適女自縊至再俱救免守貞終身

唐澄女五河人許字李慎言年十五慎言病沒女

守貞三十六年



江南通志卷一百八十九